

آبونه شرائطی : هریر ایچون  
سنه لکی (۴۰۰) التي ایلنی  
(۲۲۵) ؛ ممالک اجنیه ایچون  
سنه لکی (۴۵۰) ، آلتی آیلنی  
(۲۵۰) غروشدر .

نسخه سی ۷،۵ غروشدر .  
سنه لکی ۵۲ عدددر .

اداره خانه : باب عالی جاده سنه  
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه  
قبول اولنور . درج ایدله بن  
یازیلر اماده اولنماز .

والله یهدی من یشاء الی صراط مستقیم

# تذکره

آدره سی تبدیلینده ایریجه  
غروش کوندرملیدر .

مکتوبلرک امضاری واضح  
واوقوناقلی اولسی وآبونه  
صره نومروسی محتوی  
بولونسی لازمدر

ممالک اجنیه ایچون آبونه  
اولانلرک آدرسلرینک  
فرانسزجه یازلسی رجا اولنور .

پاره کوندرلدیکی زمان نهیه  
داثر اولدینی بیلدیرلسی  
رجا اولنور

آبعون اهدکم سییل الرشاد

صاحب و مدیر  
اشرف ادیب

باش محرر  
محمد ماکف

اولمسانده لزوم یوقدر . مادام که مسلمانلغه قارشى خصومت تخملری اکیلمشدر ، آرتیق او کنج شوراده بوراده احکام اسلامیہ بی تنقید اتمہیہ ؛ شعائر اسلامیہ بی ترک ایله خریستیان اجتماعاتی تقلید اتمہیہ باشلابور .

میسونر تشکیلاتنک صوک وجهه استقامتی ایشته بودر : اسلام اجتماعاتی صارصمق . طوغرودن طوغرویه خریستیانلاشدیرمق مشکل اولدینی ایچون اولا مسلمانلرک شعائر دینه لرینی بیقیمغه اوغراشورلر . بویوک میسونر قونفره لرنده آنخا ایدیلن بوخط جرکتی بوتون میسونر تشکیلاتلری تطبیق ایله مکلفدر . ایشته کنج خریستیانلر جمعیتنکده غایه سنه بویولدن یورو مکده اولدیغنه شہہ یوقدر .

استانبولده شعائر دینه وملیہ نیک بیقیمه سی اوله کنندی کندینه می اولدی ، ظن ایدرسکنز ؛ کنج خریستیانلر جمعیتی کی نیجه میسونر تشکیلاتلری ، جزویت مکتبلری ، پروتستان وقاولیک مؤسسہ لری سنلردن بری اجرای فعالیت ایدوب طور یورلردی . اسلام اجتماعاتی بوزمق ایچون میلیونلر صرف اولوندی والآن اولونیور . مسلمانلر ایسه غفلت اویقولرندہ وقت کچریدیلر .

استانبول اجنبی اشغالی آلتنه دوشونجه غریبلر هیچده یابانجی بر محیط بولمادیلر . اجنبی مؤسسہ لرندہ یتیشن ، روحلرندہ اسلام خصومتی یرلشدیریلش بولونان بر زمرہ اجنبیلرک قوجاغنه آیلدی ، اونلرله برابر چالیشدی . نہایت استانبول حیات اجتماعیه سی بو کونکی الم وخیج وضعیہ دوشدی .

شیمدی ایستہ دیککنز قدر چیرینکنز . اسلامدن اوزاقلاشمہ حرکتی کون کچدکجه زیادہ لہ شبور . بو کون بعض قادینلر وار ککلرک اسملرندن باشقه مسلمانقله هیچ برعلاقه لری قالمادی . صوک کونلردہ سابقہ کیمہ یهده باشلانیلدی . اوده تعمیم ایتدکن صوکرہ آرتیق میسونر تشکیلاتلری ایچون کلیسالر انشاسنه باشلامق قالیور .

احتمال که تہلککنک اهمیتنی لایقہ ادرک اتمہین بعض صاف کیمسہ لرده وارد . فقط براز کوروز کوزی ، دوشونور قفاسی اولانلر ایشک نرہیہ طوغرو کیتمکده اولدیغنی یک اعلا کورورلر . بوکافارشی آنخا ایدیلہ جک تدبیرلر نہدر ؟ بالطبع مؤسسات دینه یه قوت ویرمکدن باشقه چارہ نجات یوقدر . مملکتده کی یوزلرجه مدرسہ لرک قاپاتیلہ زق میسونر افسادانہ قارشى مملکتک معنوی جہہ سنی مدافعہ سز برحالده براقہ نیک نہ قدر عظیم برخطا اولدینی چوق کچمکنسزین آ کلاشیلہ جقدر . فقط اوزمان قاپاتیلان مدرسہ لر آچیلماہ تشبث اولونسده اجتماعی فلاکتک اوکنہ کچیلہ یه جکدر . ضربہ قارشى مقاومت ایدن الک قوتلی ویکانہ جہہ من معنوی جہہ ایدی . اوده صارصیلدکن صوکرہ آرتیق استناد ایدہ جک هیچ برشینمز

یکی معارف اداره سنک کرک دورمطلقیتدن وکرک دورمشروطیتدن عبرت آلاق ، منصح اولہرق مملکتک ، مصلحتک ، عقل وحکمتک ایجابانہ کورہ بر معارف سیاسی تعقیب ایدہ جکی ظن اولنیوردی . حیفا که متادی ولولہلر ، طنطنہلر ، دبدبہلر ، آلاشلر ، نمایشلر ایله تنظیم ایدیلن مکاتب ابتدائیہ نیک درس پروغراملرینی کوردک وتدقیق ایتدک ؛ نتیجه تدقیقاتمزدہ بوکا درس پروغرامی نامنی دکل ، اوپون پروغرامی عنواتی ویرمک اضطرارندہ قالدق ؛ بو پروغرامک مندرجاتیله براز مشغول اولمای معارف مملکتہ خدمت تلقی ایدیوروز .

## کنج خریستیانلر جمعیتی

آمریقانہ تورکلک علیہ نرہ ناصیل بر دیباغنا امپورلر !

آمریقانک بوستون شہرندن وقت فزتنہ سنہ برتباترو اعلانی ، برده قیصہ بر مکتوب کوندرلشد . اعلان ، (کنج خریستیانلر جمعیتی) نامی آلتندہ بر شعبہ سی مملکتمزدہ ابراز فعالیت ایدن مؤسسہ نیک ۲۱ نوموز کونی بوستون تیاروسندہ کوستردیکی بر سینما قوردہ لاسنک پروغرامیدر . باشدن باشہ روجہ در . واسکی ژاندارمہ اونیفورمہ سنی لابس اوج تورک ژاندارمہ سیلہ ژاندارمہ لرک اوکنده موضوع برماصہ اوزرندہ ایکی کسک قفای کوسترن بر رسمی محتوبدر . رسمک آلتندہ « قانہ دامدیباہ قفالر ایلہ صر صامسہ کویکلر ، جہہ سی یازیلیدر . وقت رفیقمز اعلانک بر فطوغرافنی دہ درج ایدیوروز .»

کنج خریستیانلر جمعیتک تشکیلاتی ، مملکتمزدہ کی فعالیت و افساداتی حقندہ مقدا اوزون اوزادی یه نشر یاندہ بولونمشدق . شیمدی سینسی سینسی وظیفہ تنصیرہ سنی ایفا ایتمکده اولان بو پروتستان مؤسسہ سی اجنبی اشغالی زماندہ فعالیتنی تشدید ایتمش ، بعض مسلمان کنجلیرینہ آچقندن آچیفہ خریستیانلنی قبول ایتدیرمشدی . آمریقان کلن پارہ لرله بعض کنج لره وتورک قیزلرینہ بول بول معاشلر ویرہ رک غایہ سی اوغورندہ اولنری استخدام ایتدی . بو کون بیله بر جوق تورک قیزلری وار ککلری بو پروتستان جمعیتہ منسوبدرلر .

کنج خریستیانلر جمعیتی ، طوغرودن طوغرویه خریستیانلغہ دعوتدہ بولونسی مقصدینی میدانہ چیقارمش اولہ جفندن ، اول امرده مسلمانلق عقائد و اجتماعاتی صارصجق تلقیناندہ بولونیور . اورایہ دوام ایدنلرک هیچ فرقدہ ارقسزین عقائد و شعائر دینه لری آشیندیریلیور . کیت کیدہ اوشا کردک قابندہ مسلمانلغہ قارشى خصومت حسلری حصولہ کلہ یه باشلابور . برر بر شعائر اسلامیہ ترک اولونیور . آرتیق اوندن بکلہ ن خدمت حاصل اولمشدر . اونک آچقندن آچیفہ خریستیان

کچن کون طین غزته سنک هیئت تحریریه مدیری بهابک کنج خرسیانلر جمعیتک کویله وارنجیه قدر آناطولینک هر طرفنده شعبه لر آچسنی ، سلائیکی صبیحه ذکر با خانم ده کنج خرسیانلر جمعیتک وظیفه سنی تورک اوجاقلرینک درعهده ایتمسنی تکلیف ایدیورلردی . بوتکلیفلر بالطبع ملته بر خدمت اولمق اوزره ایلری سورولمشدرا بویله تکلیفلر ده بولونانلر کنج خرسیانلر جمعیتک آمال و مقاصدنی بیلمز لر می ظن ایدرسکنز؟ بهابک سنه لرحه کنج خرسیانلر جمعیتک ایچنده چالیشدیغنی سویلور . صبیحه خانم ده آمریقادہ تحصیل ایتدیکی جهته کنج خرسیانلر جمعیتک مقاصد اصلیه سنی هر کسدن زیاده ای بیلدیکنه شبهه یوقدر . بونلرک بویله تکلیفلر ده بولونه جقلری طبعیدر . چونکه وظیفه لریدر . فقط بونلری حکمدن اسقاط ایدمک تدایر لازم ، انخادی ده اولیای امورک ال متحتم وظیفه سی دکلیدر؟ کنج خرسیانلر جمعیتی بو کون آمریقادہ تورکر علیهنده پروپاگاندا یاپیورسه اونی ده طبیعی کورمیدر . چونکه وظیفه لریدر . بونی بیلهرک بنیان ملی بی توهینه چالیشان و بزنی جهان نظرنده باربار کویستن بر مؤسسسه به قارشی قابولرینی آچیق بولوندورمامق ده بزم وظیفه مز دکلیدر؟ بز وظیفه مزنی ایفا ایتمزسه ، بالعکس اونلرک وظائفنی تسهیل ایتمش اولورسه قساحت کیمده در؟ بوقدر دیدی قودیلرله مشغول اولان یومی غزته لر بنیان ملی بی کیرمکده اولان بو یابانچی مؤسسسه لر حقنده براز تحقیقات و تعمیقانده بولونسه لر نیجه حقیقتله واقف اولورلر ...

\* \*

#### مفرد مادبیر سنکک تولید ایتدیکی نفاق و شقاق

منور زمره آره سننده کی نفاق اوشقاق صوک کونلر ده بو سبتون آلونلدی . یومی غزته لرلی اوقویانلر بونفاق و شقاقک نه درجه لره کلدیکنی کورورلر . اک عقلی باشنده عد ایدیلن آداملرک یکدیگرینه قارشی صا ووردقلری کفرلرک ، شخصی تجاوزلرک آردی آرقه سی کله یور . آقسام غزته سی ده بو وضعیته حیرت ایدیور :

« هیمز جمهوریت پرورز ، ترقی پرستز . یوزمن غرنده در . پرسپیلر من بر ، جهتمز عینی . اگر آرانسه هیچ بر مملکتده وطنداشلی اتحاد ایتدیرمک ایچون بو قدر مساعد ائتلاف زمینی بولوناماز . فقط اوزاقدن ، یاقیندن ، تورکیا بر نفاق اوجانی منظره سی کوستریور . »

دیور . « شخصلرک ، شخصی کین ، حسد ، منفعت و حرصلرک هر تورلو پرهنسب و فکر محبتنه ترجیح ایدلدیکندن » شکایت ایدیور . مملکتده کی منور زمره نیک بو وضعیته دوشمنی حقیقه شایان تأسفدر . فقط یوزلرینی « غرب » . توجیه ایدنلر شخصی کینلردن ، حسدلردن ، منفعت و حرصلردن ناصیل تجرد ایدمیلرلر؟ غرب شخصی کین ، حسد ، منفعت و حرص دیاریدر . بو کون غرب قدر اجتماعی

قالماز . بز اکر ملتیزک سلامت و استقلالنی تأمین ایتمک ایسترسه ک مدرسه لرلی قابلمق دکل ، تزید ایتمه من ایجاب ایدر . شرائط لازمی حائر دکل ایسه لر اصلاح ایتمک وظیفه مزدر . یوقسه ییقمق لازم کلز . هر اصلاحه محتاج شیئی ییقمق لازم کلسه او وقت اورته ده هیچ برشی قالماق ایجاب ایدر .

شیمدی اسلامیتی مدافعه ونشر ایدمک مدرسه لر قابیلدی . فقط کنج خرسیانلر جمعیتی ، روبرت قولزلر ودها بر جوق اجنبی مؤسسسه لرلی دوریور و فعالیتلرنده دوام ایدیورلر . هیچ اولمازسه اونلر ده قابیلیمق لازم کلزمی ایدی؟ اکر کنج خرسیانلر جمعیتی قابلمه به قدر تمزسه بونک تأثیراتی ازاله ایچون یانی باشنده بر قاچ مدرسه تأسیس ایتمه من ایجاب ایدردی . بزم یاپدیغمز ایش بندیکمز دالی کسمکدن باشقه برشی دکل . مدرسه لر قابلمه بالطبع دینی نشر و مدافعه ایدمک طلبه بعدما یتیشمه به به جک ، بونک نتیجه سی معنوی جبهه من مدافعه سز قاله جق . مملکت مزده کی پروتستان و قانولیک مؤسسسه لرلی ایسه میدانی بوش بولورق فعالیتلرینی آتیره جملر؟ تنصر تهلیکسه باش کویستره جک . ایش بو حاله کلدکدن سوکره آرتیق بزم اسممیزک خریطه جهاندن سیلنه جکنه شبهه ایتمه ملیدر .

الهیات فاکولته سی ، اکر اوکا منشأ اوله جق مدرسه لر اولمازسه ، عمری موقت اولور . بو کونکی طلبه دن باشقه اورابه کله جک اولماز . لیسه لر سز دارالفنون یاشایه بیلیرمی؟ امام و خطیب مکتبلری ، اکر دوام ایدم بیلیرلرسه ، اورادن آنجق امام و خطیب یتیشمه بیله جک . فقط دارالفنون کیره بیلیمک ایچون بر امام معلومانی کافی اولما دیغنی بیلیمه یوقدر . اساساً بو امام خطیب مکتبلری ده یک محدوددر . یکرمی اوتوز یردن باشقه مملکتک بوتون قصبه لرلی ، ناحیه لرلی مدرسه سز قالمشدر . اورالده امام خطیب ده یتیشمه به جکدر . ذاتاً دارالحنفاظرده قاباندینی ایچون بعدما امام یتیشمه سنده امکان قالماشدر .

توحید تدریسات قانونی بوقدر یا کلش و روح قانونه مغایر بر صورتده تطبیق ایله مملکتک معنوی جبهه سنی مدافعه سز بر حاله بر اقلری بویوک ملت مجلسنک هر حاله مسئول ایدم جکنه وسدی هیچ بر قانونه مستند اولمایان مدرسه لرلی تکرار کشاد ایدم جکنه شبهه یوقدر . بر آدم چیقار ، یاقانونی یا کلش آ کلابه رق یا کلش اجرا آتده بولنور ، یا خود خصوصی اجتهاداتنی تطبیقه قالنار . فقط ملت مجلسنی بو خطالی کورور کورمن اولنری تصحیح ایتمک مکلفدر . بز بو خطالی وضعیتک تصحیح اولونه جفته هیچ شبهه ایتیمورز . دینی دین اسلام اولدیغنی قانون اساسیسنک باشنه یازان واحکام شرعیه نیک تنفیذنی درعهده ایدن بر مجلس البته مسلمانلرک تعلم و تعلم ایدیله جکی یرلری سدوالغا ایدوب ده ملتک معنوی جبهه سنی مدافعه سز بر حاله بر اقلار .